

TQANIL TIB'AJ KAWB'IL IN TQANIN TIQU'N NCHI KUB' JPUNA XJAL AQE' JAKU'
TZOK TX'U'J YAB'IL COVID-19 KYI'J

QA

- **MA TXI' TZ'EL KAB'K'AL JWE'LAJ AB'Q'IYA**
- **YAB'XU'JA (embarazada)**
- **ATOK TYAB'A MO MYA' B'A'N TNAB'ILA MO AT JUN YAB'IL ATOK TI'JA EX QU'NTZUN JAKU' TZ'OK TX'U'J YAB'IL COVID-19 TI'JA.**

AJU AQ'UNTL TIB'AJ KA'YB'IL XJAL NCHI IKY'X JUN PLAJTL EX JAKA'YB'IL K'A'XJAL MO TIXTI' NCHI IKY'TZ TOJ TNAM TOK TB'I TE (ICE TOJ KYI'J ME'X XJAL), ILTI'J TU'N TKUB' TKA'YIN B'A'NXIX QA AT TU'N TKUB' JPU'N JTETL Q'IJ JUN XJAL.

Toj junk'al q'ij ex toj tkyajin xjaw te ab'q'i 2020, jun jakawb'il toj jun tnam kub' tzaq'wen jun kawb'il tok tb'i te "Kawb'il kyij jun k'loj xjal" (acción de clase) toj kawb'il toj tb'i (Fraiht) ti'j ICE, in tka'yin tza'n tumel tten xnu'lsb'il toj Jatzuyb'il te ICE. Aju kawb'il kyij jun k'loj xjal aju lu', jun tumel tu'n kyonit jun k'loj xjal. Qa atokxa toj jun k'loj xjal lu', qa at jun yab'il atok ti'ja kyxol nchi q'umanjtz kub'ni ex tu'ntzun lu' jaku' tz'ok tx'u'j yab'il coronavirus/COVID-19 ti'ja kyu'n:

Ma txi' tz'el kab'k'al jwe'laj ab'q'iyā	Qa mya' b'a'n qe' triñona
Yab'xu'j (embarazada)	Qa ate' q'an yab'il
Kuw yab'il tza'n qe': tyab' qanmi ex qib'otx'il (mixti' nb'et chiky' toj tumel, maqb'il xewb'aj mo q'anb'il tnam jun xjal)	Aqe' yab'il ti'j maqb'il xewb'aj (Maqxew (asma), tyab' spo'y (pulmón) ex tza'n yab'il bronquitis mo tyab'il qxew mo junjuntl tyab' spo'y (pulmón) at.
Mya' b'a'n tlijne chiky' (Presión arterial alta)	Tyab'il Qa o tz'el tx'ixpu'n jun pi'x t-xmilala
Tyab' ttx'otx'il (hígado)	Tiky'len Q'anb'il
Chi'chiky' (diabetes)	Yab'il (VIH/SIDA)
Kanser	

Qa at jun yab'il atok ti'ja kyxol ma chi q'umanjtz, **ilti'j** tu'n tkub' tka'yin ICE b'a'nxix qa b'a'n tu'n tkub' jpunx xjal. Aju lu', lti'j tu'n t-xi' b'inchān b'anqa mixti' xi' q'o'n jun tumel tu'n tex tzaqpina, chojb'il il mo jun tumel tu'n tex tzaqpina tu'n kawil. Ex kyb'inchetil se'nku tten tila, b'anqa nim t-xilen tila xkub' tb'inchana.

Qa toj twitza at jun tumel mya' b'a'n tten ex na'm tel tniky' ICE ti'j, b'a'n tu'n t-xi' tq'umana mo tu'n t-xi' tqanin jun ka'yb'il ttena tu'n jun ajq'a'nil. Qa at ju kolil ti'ja, jun ttzikya mo jun twitzela tu'n tonin ti'ja, b'a'n tu'n t-xi'yolina toj:

- Jaka'yil ex B'ajsal tten ICE; mo
- Toj Ja lqil twitz q'a'nb'il jatumel ataya.

Tu'n tkub' ka'yin mo xpich'in aju mya' tumel ataya b'a'n tu'n t-xi' tq'ona jun tilb'ila o jun u'j tu'n t-xi' oksla'n.

Nchi aq'unan kolil xjal tu'n tb'inchet kawb'il tu'n ICE aju b'inchankub' toj junk'al q'ij ex toj tkyajin xjaw noq tu'n tmoyit tx'u'j yab'il COVID-19, noqtzun aju mla'y b'a'n tu'n t-xi' onin qa aju tila tu'n toq t-xi'ya jun plajtl. Aqe' k'loj onil chq'onqex tu'ñ kawb'il aqe' Southern Poverty Law Center, el

Civil Rights Education & Enforcement Center, Disability Rights Advocates, Orrick Herrington & Sutcliffe LLP y Willkie Farr & Gallagher LLP.

Qa tajb'ila tu'n tok tb'i'na ch'intl tqanil tib'aj b'ajsab'il b'incha'n toj junk'al q'ij mo tu'n ttzaj tq'umana juntl tqanil, (tnejil) b'a'n tu'n t-xi' yolina toj **910#**, qa nxi' yolina toj Jajupb'il mo (tkab'in) tumel b'a'n tu'n t-xi' yolina toj 866-422-0151, qa nxi' yolina ex mixti' jpu'na. Oyaj tu'n t-xi' yolina ex o'kx teya b'ilte.